

立退管字人林志聰緣於道光二年間與林大有合置黃忠義東庄后湖田業一所四至界圳及大租水份悉載黃忠義賣契內明白時聰出本銀伍拾大元歷年所收租谷除納大租以外照本的利聰經收楚無異今因乏銀別用托中引向林大有出首承坐歸管三面言定照原本銀伍拾元即日經中交聰親收足訖隨將合置黃忠義田業付林大有前去歸管永爲己業此係二比甘愿各無反悔口恐無憑合立退管字壹紙付執爲炤

即日收過字內佛銀伍拾元正足訖炤

代筆人林元 (花押)

爲中人林春 (花押)

道光七年正月

日立退管字人林志聰 (花押)

